

七經同卷

飛十

迦葉赴佛般涅槃經

菩薩呵色欲經

四品學法一卷

佛入涅槃密迹金剛力士哀戀經

迦旃延說法設盡偈經

佛治身經

佛治意經

佛說迦葉赴佛般涅槃經

東晉竺曇無蘭譯

昔佛在世時摩訶迦葉於諸比丘中最長年高才明智慧其身亦有金色相好佛每說法常與其對坐人民見之或呼爲佛師於是迦葉乃辭佛到伊蔭黎山中一山名普能周旋數千里去舍衛國二万六千里多出七寶甘果不貲名香好藥栴檀三種其一種芳香一種治人百病一種可用染五色衆香雜藥不可稱數亦有走翔鳥獸師子豺狼白象麒麟

升

朱鳥鳳凰或有清淨異學道士時有方石平正其色如瑠璃縱廣百二十里奇樹蔭涼華葉五色冬夏茂盛列生石上迦葉前後教授一千弟子皆清淨高行得羅漢者常坐此石誦經行道又有清淨甘果泉水周旋三十里其側生優曇華青蓮華紺色華紅色華紫色華迦葉弟子七人同夕得夢其一比丘夢見所坐方石中央分破樹皆根拔復一比丘夢見四十里泉水皆乾竭華悉零落一比丘夢見拘羅邊坐皆傾毀一比丘夢閻淨利地皆傾陷一比丘夢見須弥山崩一比丘夢見金輪王薨一比丘夢見日月墮地天下失明晨起各以所夢啓迦葉迦葉告言我曹前見光明地時大動鄉等復得是夢佛將般泥洹即勑諸弟子往赴俱夷那竭國道見婆羅門持文陀羅華迦葉即問言鄉從何來欲何所至那得是天華答言我從那竭國來時佛泥洹已經十日諸天往赴悉持天華天香供養佛

身此華即是迦葉聞是語便自投於地啼泣

而言佛今般泥洹三界失明將復何依恃彼
師將諸弟子進道未到數百里便見四天王
及梵釋諸天皆持七寶蓋名香好華悉作十
二部音樂亦有阿須輸王諸大鬼神側塞空
中又具俱夷那竭國王及諸隣國王各從其

飛十

群僚數百万人見迦葉將諸弟子到是時國
貴末羅王則勅國人民皆令避道使迦葉及
弟子得進阿那律出迎相見言佛般泥洹已
七日耶維火不然但待賢者到阿難見迦葉
便自投此地啼哭不自勝有一老比丘名波
或即止阿難言止止佛在時常禁制我等不

二

飛十

得自由佛今泥洹吾等得自在莫復啼哭時
有天聞波或語即舉手搏之迦葉便前接持

天止之謂波或言佛今般泥洹一切失所侍

汝獨愚癡而反喜快波或聞是語竟即得阿
羅漢迦葉便與弟子俱頭面著地作禮繞棺
三匝而言我等今日不知佛頭足所在即便

悲哀而說偈言

佛爲三界乘 度於生死淵 憶怕昇泥洹
微妙越世間 佛爲無量明 照於愚癡冥

願爲一切人 顯耀見威靈 佛爲大慈哀
所度無央數 尊體處金棺 清淨寂然安
願用優和德 見身色相光 普令天及人

興起無量福 佛爲開現法 衆生受潤澤
得止生死輪 感者入正諦 已蒙如來恩
佛雖就無爲 頭而禮佛足 今但覩棺櫬
出足於金棺 心爲悲感傷 今但觀棺櫬
法身慧常存 聖達靡不實 莫呼永泥洹

三

迦葉赴佛般涅槃經

菩薩呵色欲法

後秦三藏鳩摩羅什譯

女色者世間之枷鎖凡夫戀著不能自拔女
色者世間之重患凡夫因之至死不免女色